

Мапасал-тани дёкчиари дидюхэчи, тэнг ман-  
гади демусихэчи, сийчахачи. Даи мапа мэнэ  
силиаи дяпагохани, ичэгухэни, тотара тэнг нгэ-  
лэпси дилгандии морапсинкини:

— Ми силиадоива бичин чоломба уй сияхани!

Настасья Петровна мэнэ силиачии ичэгухэни,  
тотара чингиан дилгандии пакпарилохани:

— Ми силиадоива бичин чоломба уй сияхани!

Мишутка-тани мэнэ гэун чамикамби ичэгупи,  
нучи дилгандии сонгойчами пэбулухэни:

— Ми чамикандоива бичин чоломба уй  
сияхани, чунгну сияхани!

Михаил Иванович мэнэ тэнкучии ичэгурэ,  
тэнг нгэлэпси дилгандии морапсинкини:

— Уй ми тэнкудуивэ тэсихэни, хангиси  
туйнкухэни!

Настасья Петровна мэнэ тэнкучии ичэгухэни,  
тотара чингиан дилгандии пакпарилохани:

— Уй ми тэнкудуивэ тэсихэни, хангиси  
туйнкухэни!

Мишутка мэнэ тэнкукэнчии ичэгухэни, то-  
тара пэмиэчими пэбухэни:

— Уй ми тэнкудуивэ тэсихэни, уй боялихани!

Мапасал гой гиалакочи игухэчи.

— Уй ми бэундуивэ аохани, уй сусэхэни! —

Михаил Иванович тэнг нгэлэпсиули дилгандии  
морахани.

— Уй ми бэундуивэ аохани, уй сусэхэни! —